

Communique by the PIC Steering Board

Upravni odbor Vijeća za implementaciju mira

Brisel, 12./13. septembar 2001. godine

Upravni odbor Vijeća za implementaciju mira sastalo se na nivou političkih direktora sa Visokim predstavnikom u Briselu, 13. septembra 2001. godine. Upravni odbor je izrazio zadovoljstvo na ukazanoj prilici da se 12. septembra 2001. godine sretne sa delegacijom državne vlade i vlada entiteta BiH, predvođenom predsjedavajućim Vijeća ministara, radi razgovora o parametrima pojačanog partnerskog odnosa između organa vlasti BiH i međunarodne zajednice. Upravni odbor je ponovio spremnost za pružanje podrške institucijama BiH u naporima koje ulažu na ostvarivanju stabilnosti i samoodrživosti. U tom kontekstu, Vijeće je ponovo naglasilo potrebu za ne samo odgovornim vršenjem vlasti nego i za totalnim, hitnim i profesionalnim angažmanom na nastavljanju i punoj implementaciji dugoročnih, institucionalnih, pravnih i ekonomskih reformi kao preduslova za puno preuzimanje odgovornosti i integraciju u strukture EU. U ovom kontekstu, Upravni odbor je pozdravio i potpuno prihvata partnerski pristup Visokog predstavnika, u cilju ostvarenja značajnih i brzih pomaka na ispunjenju zahtjeva Vijeća. Odbor je pozdravio osnivanje Konsultativnog partnerskog foruma, koji je nedavno uspostavio Visoki predstavnik, kao važnog koraka u ovome procesu. Upravni odbor je također naglasio važnost potpune saradnje sa Međunarodnim krivičnim tribunalom u Hagu (ICTY).

Upravni odbor je konstatirao da je ekonomska situacija u Bosni

i Hercegovini sve teža, što je podcrtano nedavnom evaluacijom stope rasta koja je u opadanju. Iako pozdravlja reforme koje su u toku u raznim oblastima, Upravni odbor ipak izražava žaljenje što je došlo do zastoja u stvaranju jedinstvenog ekonomskog prostora. Kratkorožna politižka opredjeljenja su izgleda postala dominantna, što se pokazuje stalnom blokadom brojnih zakona, ukljuųujuđi i zahtjevima iz "Road Map-a" EU, od strane delegata Republike Srpske u državnom parlamentu. Upravni odbor poziva sve relavantne organe vlasti da konažno odgovore na stvarne izazove istinskog partnerstva sa kojim je sada suožena Bosna i Hercegovina tako što đe demonstrirati odgovorno i profesionalno vršenje vlasti i poduzimanje potrebnih odlužnih i konkretnih koraka ka provoženju strukturalnih ekonomskih reformi koje su tako ožajnižki potrebne za privlaženje stranog kapitala i otvaranje novih radnih mjesta. Politižko dovoženje u pitanje nezavisnih agencija đe dugorožno imati hladni efekat na razvoj regulatorne klime koja đe privuđi strana ulaganja.

Upravni odbor pozdravlja i podržava sveobuhvatni pristup kojim se rukovodi Visoki predstavnik kada je u pitanju reorganizacija postojeđih mežunarodnih struktura u BiH koje rade na pitanjima civilne implementacije. Prisutni viši predstavnici OSCE-a, UNMiBH-a, UNDP-a, UNHCR-a i SFOR-a izražavaju zadovoljstvo zbog ozbiljnog i temeljitog pristupa koji koristi OHR. Upravni odbor ožekuje da se Plan aktivnosti mežunarodne zajednice, koji je predložio Visoki predstavnik, dodatno razradi u koordinaciji sa mežunarodnom zajednicom i Vladom BiH te da se prezentira Upravnom odboru u svrhu razmatranja na sastanku Upravnog odbora koji đe se održati u decembru 2001. god. Ovaj Plan đe:

1. sadržavati jasne kriterije te procjenu sredstva koja su potrebna za višegodišnje finansiranje;
2. ustanoviti suštinske obaveze i funkcije mežunarodne

zajednice, usklađuju i njen mandat te dodatne zadatke, kao i reorganiziraju i njeno prisustvo na terenu;

3. sadržavati prijedloge o strukturalnim reformama u pravcu integracije različitih međunarodnih agencija u BiH;
4. predvidjeti period ubrzane i novo-fokusirane implementacije za period od 2002. do 2005. godine, nakon kojeg će uslijediti dodatno smanjenje poslijeratnog angažmana međunarodne zajednice u BiH;
5. prezentirati mogućnosti za naknadnu policijsku promatračku misiju.

Upravni odbor je izrazio zadovoljstvo zbog nedavnog usvajanja Izbornog zakona od strane Parlamenta BiH, čime se ne samo ispunio jedan od dobro poznatih zahtjeva međunarodne zajednice, popunjavanjem znatne praznine u organizacionoj strukturi BiH, već se i pokazalo da su novoizabrani organi vlasti spremni za postizanje kompromisa u vezi sa pitanjima od suštinskog značaja. Upravni odbor sada očekuje brzu implementaciju ovog Zakona od strane organa vlasti BiH.

Upravni odbor odobrava preporuke donesene na sastanku finansijskih eksperata održanom 19. jula 2001. god., izuzimajući davanje odobrenja obračunu za 2000. godinu sa čime se Evropska komisija ne može složiti.